



靈川稿  
天

18  
2450  
1

共三



2450

書入40.315西川

高靈世稿續編卷

靈川先生

遊覽

高佃驛曉發

此下四首與韓忠十居礪岩向西原時作

春宵猶未短客枕喜雞鳴馬吃孤根響

街呼驛吏聲熹微畏途梗躑躅占人行

自幸身無縛飄之事遠征

夜夢素庵

癯瘦骨相任天真夢裡依稀笑語新自

高

靈

世

稿

續

編

卷

之

一

一

一

一

一

韓忠十

少每同行與住客中深夜會精神

浚義道中盲人橫笛緩々而去

長堤揚柳綠逶迤山上杜鵑紅錦時人

自無心吹笛去客懷何事轉悽悲

途中值吾生辰

今日吾初度春風何處歸親賓思賀酒

彩舞戀遊闌雨灑征衣濕雲低去路迷

驅馳三百里心事更依々

贈扶安金生

此下八首遊邊山時作

為訪楞伽到浪州月明歌笛小遲留摩

天縱有登臨快清遠樓中亦可遊金生設小

酌挽留故及之

去歲與扶安守金恭老有約到此

恭老不在賦小絕留示

使君期約便成乖實相青林恨未偕勝

景聞來皆已愜一尋聊快六年懷

到古青林寺壁上見金正則小絕

次韻附永卿示之

今日青林雨亦霏聞君喪耦最傷  
悲招邀未得同遊賞獨對層岩欲  
暮時

復用前韻

古寺荒涼鎖夕霏石川鳴咽若含悲釋  
伽神力今何在興廢從來自有時

實相寺用前韻有感而作

山深晴靄亦霏霏獨坐禪窓意轉悲自  
非人外巢雲客到處忽無歇時

李上舍億榮携唐紙請書遂賦一

絕

鳳山太守

指上舍仲氏萬榮

昔相親一隴泉臺已

四春風度至今猶不忘每逢吾子便傷神  
馬上口號寄示李恒之

聞道楞伽勝于今始一遊摩天空突兀  
懸屋且清幽叫遂邀仙侶題詩散客愁  
一齋如可見此地更應留

一齋李恒之自號

贈琴師金逸

禪宮山月白古調復聞之他日雖相見  
楞伽那有期

賜馬谷道中大風忽起至暮不休馬

上口號到參禮驛書之云

此下五首華使

王鶴到本國以制表述官被召如京時作

顛風起將夕野色漸微茫披斷雲飄葉  
欹斜鴈失行虛名勞驛馬理邑愧銅章  
行止不如意江山空復長

暮投礪山郡太守以分糶往高山

行到礪良日已暮層軒獨入坐移時主  
人出去客還靜山月來尋眠更遲俯仰  
塵中那可合驅馳道上亦非宜悠々萬  
古一長望只有陶君為我師

礪山郡早發

殘月仍猶在棲鴉亦未飛晨霞紅錦纈  
宿霧遠峯微水綴行人鬢鶉懸郵卒衣  
行々十餘里村落始開扉

尼山縣憶厚之感懷有作

往歲與厚之同

行至此縣憇息今年厚之告  
病不行有感于懷書之云

往歲河西子同來此卧休于今又歸去  
而我獨夷猶世事渾如夢人情謾抱憂  
居然欲相對落日幾回頭

此日夜夢見先妣于本家音容宛  
若平時教余曰此家久空冷甚不可  
處奴僕之家必有溫房盍擇而居乎  
余聞命而覺雙淚滂沱遂書一絕云  
永隔幽明已八年夢中今日侍依然泉

臺亦有孤兒念聞教丁寧淚似川

題詠

風詠亭次圭庵韻

亭名風詠儘休把酒登臨有底愁灑  
雨長風吹洞壑吟詩歸路繞汀洲古人  
氣象那能見今世從遊此可留歲來  
尋暮春者佳期何必次灑秋

二友堂

二友堂中偶八來層軒徙倚却忘回最

八  
卷之二  
三  
伶月出山如畫落日烟鬟照耀開

題閑亭

君家亭子好祖席俯長川汀樹迷南北  
雲山擁後前開樽花塢外聽笛夕陽邊  
人世閑為貴榮枯總付天

梅竹堂次石川韻

聞道君家好遶宇頗清涼逍遙有閑意  
况此梅竹傍何所無植物所貴真而香  
此謂素侯樂超世於焉藏我居在峨嵋

人云水雲鄉碧水橫大野白雲繞巖莊

我昔此棲遲嘯詠何洋洋因君起余懷

何事三事堂

在秦仁縣公所扁也

次周卿坐忘亭韻

妙年同契總成翁追憶當時事已空我  
亦清城巢舊壑跨驢相訪水雲中

菡萏亭次佔畢齋韻

佩符千載揖遺芬萬丈文光未敢云祇  
有還山弄鶴意每憑池檻看歸雲

甲辰六月十四夜翫月于菡萏亭

用佔畢齋鳳栖樓韻

萬柄芙蓉碧玉盤  
月侵池面鏡光寒  
宦遊賴有茲亭勝  
落日還臨曲檻看  
任却生涯天所賦  
從知方寸老猶寬  
撫民但愧無長策  
空把孤琴意自團

留別玳鶴亭

太守從來愛鶴人  
作亭相對幾怡神  
鶴飛人去亭空在  
回首詩山跡已陳  
余來此偶

得海鶴一雙羽毛盡摧落余伶而  
養之及其長也飛颺往來唯其意  
焉余於是樂之等小亭於衙庭以  
玳鶴扁之與之相對以慰羈宦之  
懷往歲鶴乃飛去今余臨行  
賦小絕書于亭上以識之云

次樂聖堂韻

高懷常與麴生期  
樂聖啣杯暮景遲  
人世正當膏火裏  
此身如在葛天時  
劉伶謾醉心徒亂  
屈子長醒興豈知  
何似先生能飽德  
一團和氣獨怡怡

次水雲亭



新亭高起若暈飛面勢從來在指揮檻  
外水清纓可濯瀧頭雲悅坐堪圍終朝  
拄笏憑書榻向晚携竿下釣磯昔日勝  
遊長夢想何年更得扣松扉

浩然亭

慎子之亭名浩然登臨逸興拂長天浮  
游直欲跨雲鶴蕩漾還將掣海鱣浩氣  
自能充宇宙放懷何必棹航船此中所  
得終無間豈但平生絕世緣

觀瀾亭

江流浩々且漫々知是源長有激湍山  
月蘸光水柱碎巖松倒影老虬蟠欲窮  
物理宜觀省須等高亭枕碧寒聖訓盈  
科如在耳共君涵泳對黃冠

貯月堂

幽人樂事澹無央徙倚層軒一作隨桂  
影蒼虛幌朗然疑不夜踈簾寂歷覺生  
涼依稀玉兔如將見縹緲雲簫或可詳

所貴清光洗肝膽豈同歌酒貯中堂

歎逝臺

洙泗千年欲泝泗臨流浩歎思悠哉長  
江哀々終何盡浮世茫茫自不回萬古  
憑誰探至理今朝起我有斯臺沉吟日  
夕忘歸去時聽風濤殷似雷

次士遇公喜還堂韻

即權同知應  
捷堂名與弟

參判應昌蒙思一時還鄉  
故第二句有聯璧之語

久承嘉惠遠違鄉聯璧歸來喜扁堂顏

有琴書娛晚景更將忠義薄層岡山川  
鬱々風雲氣松竹欣々雨露光我亦江  
南蒙 聖澤至今瞻拜漢之陽

醉題梨亭

此地來遊三十春偶尋陳迹揔傷神迹  
前只有梨花樹不見當時歌舞人  
寥落華亭不見春欲攀梨樹問花神惆  
悵揚花飛不得祇今猶屬白頭人

有唯

惆悵  
一作悵

觀水樓次安牧使韻

俯臨江水眼雙清  
暫倚層軒對石屏  
荒政不辭奔走苦  
歸途落日更亭之

清遠樓

極目平蕪遠俯臨  
池水清茲樓有二勝  
清遠宜其名

禁府契軸

生同一世值休明  
職帶金吾儘亦榮  
樽酒幾耽花月樂  
論談又結弟兄情  
虎頭

高閣常參鞞鳳輦  
前途又戒行軸裡  
題名人指點莅官隨  
處有風聲

張斗之山居次駱峯韻

問君幽隱幾年餘  
門外溪山畫不如  
養性每吟康節句  
探玄時讀老君書  
隴雲可愛忘心事  
漁父相親到爾予  
我亦峨嵋遺世客  
却嗟南北未同居

門外一作繞屋

凌虛閣

徙倚層軒落日時  
俯臨長渚野風吹  
謾

催鼓遂蟾光遍極目千山生遠思

送別

奉送季任公按節西海

脫洒平生志令人不可攀明儕尚且敬  
民俗獨能煩玉節初登路先聲已  
從來君子事隨處有餘寬

山客已忘世於君有別情音書杳河海  
魂夢隔關城弄鶴松間月放鷹雲外垆  
于今無此物寂寞獨伶俜鷹鶴恐公或  
忘未句及之

用白大裕韻率尔賦成贈別崔生

時仲還嶺東

學業要須指聖門先賢見道或因文功  
夫所貴唯誠敬歸去沉潛楓岳雲

東溟處有亭臺與子登臨笑幾開歸卧洛

城多夢想別詩聊復寫幽懷

懷字雖非本  
韻仍押之

器量從來有裕容暮年情意與君通相  
思兩地如相對沒道離居隔萬峯

寫懷賦短律二首奉別李使相夢亮

還京

噐宇何宏濶風儀亦可欽  
襟帷初勝會尊酒忽離襟  
老守嗟來晚群氓頌德深  
聖明方眷注歸去罄丹忱

別懷殊未已追到洛江潯  
在渚同舟過危亭共月臨  
慙慙多舊意悽悽發孤吟  
旌節終難住空瞻鳥嶺嶽

別沈監司通源按節嶺南

金章玉節照青春嶺外爭  
看雨露新范

子澄清追往躅召公棠  
接芳塵時登臺石鳴琴  
遂更向頭流訪道真數載  
銀臺紆寵眷幾回中夜夢  
楓宸

縣齋相見大茫然屈指于今已五年  
淮擬洛中頻會面那知花下即離筵  
群山簇簇迎金節飛絮絲絲拂錦韉  
此去聲華更起卓故人千里望何迤

秦送李任公赴燕京七絕

清似關西揚伯起詩如東海鮑參軍更

知好善優天下人物當今孰與群  
事業從來不可期古人巖壑幾棲遲君  
今 聖世方知遇展盡詩書正此時  
長信宮中忽告稜黼筵移設素舒沉吾  
王誠意君能達竣事歸來 寵遇深  
學業平生有裕然見聞常恨一隅偏再  
觀周樂增超卓從事何曾歎獨賢  
風物山川盡入詩錦囊珠玉儘清奇  
春夜之虹光射應是君歸遼海陸

君昔還輶到鴨津行裝接水與江神長  
河龜放聞清獻千載高風見此人  
二十年來萬事遠峨嵋松栢欲依歸君  
還敷奏明光裡肯向山村叩竹扉

奉送季雅公按節嶺南

洛下沉冥知幾春當時養德益真醇復  
聯鷓鴣儀容舊忽擁旌旄 寵命新  
歲歉南州方饑殍路尋窮巷徧咨詢我  
今歛迹耽玄味孤負滄江送故人

客館別席暮雪大作賦小絕贈守

初公請留

別席飄飄六出飛  
夕陽愁思奈芳菲  
暮春有雪非常事  
端為留君不放歸

贈別梧亭還鄉

送子還鄉兼送春  
離居又此失芳辰  
却嘆仙境重難會  
更愛清詩無與倫  
獨鶴叫雲如訴客  
新鸞喚友似愁人  
峨嵋他日君尋我  
兼桂幽棲一老身

次丁監司韻別李都事銘

錢席猶豪氣元龍  
百尺樓新知如故  
舊交道豈陽浮笛  
叫千年恨詩成一  
別愁他時京洛面  
莫惜重淹留是日慶州伶女持玉笛來

吹故

白首商山牧青年  
水部即相知嗟已晚  
別去又何忙歌妓  
翻悲曲遠梧進夕涼  
踈麻難可贈把臂  
倒瓊觴

送夢錫父還京

玉川空館別主庵此夕琴樽與子察朗  
峻風儀驚始見雍容和氣接高談英士  
佐幕人爭道老境臨民事可慙數月相  
逢纔一弄不堪今日送征驂

別翊之原明兩君

離別衰年苦於何更有期臨歧無限意  
聊以此君貽

贈鄭上舍

召

森々新竹聳成林燕寢清香話舊心却

恨簿書期會在送君今日未回衾

金山寺別席次元之韻別子膺光

善赴試南宮無不座中諸君子

聯鑣尋古寺洞壑儘清幽旭日臨黃道  
截龍起碧湫擇陰移祖席折竹作觴籌  
洛下君歸去時應憶此遊

次伯元韻

秋風嫋々動輕波此夕逢君白髮何俱  
是昔年同榜客悲歡人世孰為多



臨別走筆寫長句奉贈石川行軒  
殘暑似裝欲告退忽有蓐收來按節堤  
柳漸疎池荷落此時與君臨遠別我思  
悠々苦未休沉吟更伴候虫咽吾君於  
世儘超群九苞鳳雛在丹穴清都天上  
杳何處鏗鏘玉佩神仙列送君於此謁  
明主唐虞盛事為陳說四門講々正路  
直謠詠誰能掉妖舌君子平生貴事業  
何用具臣同一轍伊我承

息守專城學術鹵莽慙施設暫效涓埃  
便歸去峨嵋小齋看松雪東湖秋水碧  
於天渺々白鷗誰能紕

贈別金慶老

有羨諸君子聯翩會別筵此會雖有因  
非人乃其天况是同志氣所願皆聖賢  
聚首討古訓豈唯吟詩篇今携各相憶  
儼如相對然所貴久而敬歸去共勉旃

復贈慶老別

駕言出郊外展席臨清流於焉送子歸  
落日風颭之雖有長蓬吹不可寫離憂  
聊將一杯酒勗爾追前修

追寄慶老

為尋千里共留連一別蓮亭思黯然今  
夜孤吟何處宿小村寥落坐蛩邊

奉送仁甫父按節湖西

人間聚散本無期南北東西足別離  
水昔年芳杜怨我嗟今日暮雲悲鵬途

杳々終難合巖桂蒼々獨自怡漢使風  
聲從可聽故人幽壑慰相思

送君瑞之長城四首

朗峻霜臺客分符古岬城如傷吾所學  
聊以贈君行

歲晚江南路梅花處々開離懷應不盡  
倘寄一枝來

路入詩山縣君看玩鶴亭淹留今可笑  
鬢髮盡星々

青苧如黃雀能行千里餘聞君除弊語  
此物免苞苴

送人赴燕

炎蒸五月日萬里送君行應訪遼東鶴  
更過孤竹城長天雲月色空館曉鷄聲  
故國浮雲外相思白髮生

次韻錄奉六峯行軒

令伯當年天挺豪六峯今世又清高平  
生志操同冰玉餘事文章逼謝曹何幸

小亭聯酒席不堪他日寄鵝毛更看歸  
去陶君意却愧淹留未解勞

次河西韻贈丁季晦行軒

吹蕭乘駟到家鄉處處爭觀不顯光獨  
恨空堂寥落在徘徊不覺意淒涼  
高風超世衆皆欽相對論懷更整襟自  
古忠臣由孝子丹衷終見感宸心

時季晦以孝  
行陞秩故云

別張斗之

縣齋為來訪赴此梅花開今日欲歸去  
亂山空別懷

松灘何處尋歸去縣閣青春我獨留  
怡悵未能同鶴伴一年佳節負清遊

送宋眉叟觀察湖南

聖治非不至風俗日頑嚚九重軫

宸慮宣化難其人惟公應簡命彤墀益  
逡巡教化自有方柰此群猜嗔平生卓  
犖志義不為具臣 聖恩吾不負誰

能顧一身星軫首南路棠陰正芳春所  
貴不駭俗誠以感愚民

一物不被澤君子為病已公常秉此志  
日夜心不弛邈彼江之南久矣困赤子救  
民類殘忍徵歛剝膏髓愷悌忽焉至一  
方胡不喜咨詢解倒懸肉骨而生死此  
豈家到威德之所紀老職自消沮城  
狐如失倚吁嗟平素志真是皇華使  
若人畸於世棲息于嵯峨悠々巖際雲

與之為朋知當此暮春者獨娛還自竒  
昧之聲光幽寂之心思怡萬物念俱反  
於公獨有思如玉之溫之如蘭之猗之  
每嗟良會稀况此南北離攀援幽桂枝  
瞻仰不可追贈言君子事聊此寄荒詞  
用徐上舍韻奉別彥之使相赴銀

臺

幙雲高起擁山阿雨後溪邊玉節過綠  
酒奉迎還別席九重宣召又陽和自

慚老守推擠久却喜棠陰政化多從此  
銀臺天上隔為題詩句當悲歌

詩山蓮亭奉送林學士之京

昔年京洛梨花下今日江南菡萏亭相  
逢隨處皆詩思把酒沉吟眼更青

次韻贈別水城黃秀才

東南前後別何處最堪悲烏嶺君歸日  
新秋遂叫時

贈挺然遊嶺南

清臞病鶴屹長身塵世茫茫不可親  
向江南佳麗地醉吟聊作倦遊人

奉送景遇公赴燕京

未接悖書信相逢即舊知一城常恨濶  
萬里幾嗟離河漢乘查客燕山落木時  
英材不世出事業肯逶遲

贈別伯元行

寥落幽軒動玉琴佇看清月出遙岑  
明朝衰柳橫塘別湖嶺迢迢何處尋

送子仁赴京余在山舍不能遠別  
于野遂題長句七律錄奉

河東相業聞來久舊德於君屬望新  
應簡正宜專對使觀光還似遠遊人  
雲蒸遼野時當伏雨漲凌河路失津  
聞道玉皇巡楚極不知何處拜嚴宸

送尹身仲赴全羅幕

榮孝茲行十倍光角簫吹去海天長  
時當梅雨應催駟喜溢椿陰更舉觴  
君子

卷舒宜綽裕男兒事業豈尋常  
召公棠下君參對冰玉相輝聳一方

目極江南思渺茫共君於此幾彷徨  
白蓮對雪山茶嫩泔水尋春杜若香  
萬里孤吟空結佩千山狂顧但傾觴  
世間憂樂皆陳迹君到冠山亦慨慷

歛迹紅塵萬事違碧雲天際看鴻飛  
古琴長嘆猗蘭操小榻還思靜者機  
夜鶴叫邊情杳々曉猿啼處夢依々  
明年

訪我峨山下度壑穿林叩竹扉

送柳伯應還鄉

來時黃葉暮天涼去日長堤花草香  
君去君來皆好節必知佳處每彷徨  
日々思歸今得歸滿山春物更芳菲  
問君何事歸期促須及春風舞綵衣  
君歌半夜聲清越我舞僇々明月高樽  
酒幾同歌舞樂不堪今日意切々

寄贈

贈李恒之

男兒於世喜沉埋所貴歲修不負身縱  
愧武城還有樂凝香燕寢對高人  
隱求今世有斯人道積於身沒道貧獨  
坐山中觀物理天機動處是吾真

寄石川

我居迢遞廣津濱鶯聲曾同猿鶴群  
日欲尋三逕去定應松下却思君  
憶曾佳會漢之濱擊柝夷猶誰與群  
今

日追思比鬼錄暮年情抱屬吾君

贈金正字

忠甲

高樓爽氣已清秋  
遶樹重々月影幽  
人對故交談故事  
歌翻新曲動新愁  
龜村杳々臨長渚  
鳥嶺峩々磬遠眸  
唯有浮灘在咫尺  
小船隨意可同遊

贈倪仰亭主人

龍泉曾話舊縣館  
又離筵更會知何日  
相分動隔年  
落花爭雪舞弱柳  
困風顛



春事還悽惻情懷益黯然

夜訪鄭良父無示同行

相携促膝坐寒堂愛子高名動一方  
今夜吹簫燈下會洛中歸去可能忘

竹溪子有嶺外之行余在山舍未  
得赴別席詩以待之云

天運苦不停青陽倏復至東風扇漸和  
巖谷日華媚忽此春服成君子有遠思  
悠々嶺外山川雄且粹行裝澹寥落

枯桐與瘦騎江渚翔鷓鴣竹塢鳴翡翠  
行路此可娛沈吟忘倦悴州郡類繁華  
樓觀喧歌吹主人頗遣請揮手皆謝避  
高義本卓犖老愈敦尚志古都嘆興沒  
石門訪奇異容與觀魚臺優游海印寺  
仍之訪高士談論極義利動中有靜養  
去々探歷次若人方守玄幽居隱薜荔  
懸崖猿掛藤松又鶴翻翅於焉慰幽獨  
小軒聊徙倚極目山之西別席阻把臂

君歸過我廬，剝啄驚午睡。相携醉松陰，一笑平生事。

贈林大秀

故人相見又，終忽懷抱如山半。未道忍對殘花堆，宿雨更看尖柳舞。斜風悠々萬事古今裡，草々孤生天地中。塵世功名吾已晚，雲林甘作一閑翁。

友人有贈新曆者，仍作一絕以謝之。

君今眼力寫■絲，我已昏蒙十倍表。看曆忽驚添一齒，香山何處共佳期。

李廣文世荃欲賞春，索酒書二絕以寄節。屬良辰，吾抱病，雖成春服，奈如何。廣文忽索尋芳酒，閉戶孤吟恨更多。見子新詩忽愈病，清竒句法祖陰何。浴沂盛事誰能繼，今日聞來起興多。造物多猜惱，使君空令移病獨離群。一樽今日花前興，都付風流李廣文。

聞倪仰令公為柳亭先生所邀赴  
黃叅軍洛江亭吾以官事未得往  
叅遂賦三絕錄奉倪仰行軒燕示

柳村

一善使君真好事白波堆裡小舟撐樹  
林朱閣依稀見多少紅粧鼓笛迎  
商洛從來名勝地雨餘風景十分加最  
憐落日清江上蘸甲鵝黃照碧波  
華筵叅會吾無分簿牒囊中獨自疲况

是柳村行樂秘斷書終不俗人知

柳村復用前韻再酬余吟玩數三  
情不自己遂寫所懷奉寄左右

之子生平人外人白雲何得白頭新莫  
嗟車馬無來往所貴幽軒不受塵  
少年親舊有斯人落木深秋別恨新惆  
悵佳辰已曉晚小堂徑赴拂凝塵  
伯玉到客館夜雨無聊招歌者數  
人小飲云遂用杜詩韻書示

空館蕭然坐長廊夜雨懸此時無伴侶  
誰與送觥船衰老聞低唱風狂憶少年  
荷池今正好相對話樽前

諸君子會別金慶老吾以病獨未  
赴題五律奉寄求和

群集橫塘上必知會以文韜依踈柳影  
還惜敗荷芬樹之催蟬噪山之澹夕曛  
縣齋抱病客寥落歎離群

贈林石川

聞道錦溪林太守風流無日不吟哦况  
今黃菊丹楓節携酒登臨興若何

安君晦餞余詩山之行席上賦五  
律留別諸君子求和

上元今夕會明月替燈輝才子猗蘭操  
佳人金縷衣別離何杳之情思更依之  
可忍江南鴈孤飛儔侶稀

又賦二絕

珊瑚文采照華筵一座風流盡謫仙誰

是江南老太守不堪歸路落梅天  
一般情思屬離筵憶昔清都第幾仙准  
擬雙鳧朝玉闕明朝騎鶴下南天

奉呈駱峯

青門遠送荷情深長路回瞻淚不禁聚  
散一生多少恨老年離別最關心

贈獻叔令公

令公行色與時新錦繡秋山錦繡身一  
里聚觀爭拍手昔年來往跨驢人

秋日贈荷衣二絕

荷衣即石川

秋來想得謝玄暉郡閣長吟錦繡圍墨  
綬嬰身猶不管摟心物外號荷衣

燕窠凝香獨坐時黃花還似遶東籬使  
君於此渾閑意其柰清秋遠別離

戲寄獻叔

獻叔參錄衛社功聞長興府婢有姿色者求為

丘史而去婢今過縣請得書求退戲題一絕以寄

折得江南第一花秋風載去入誰家裁  
培却恨年光晚深護遶除十倍加敵叔

云故

香奩二絕寄楚山太守

長憶年前苦別時  
春來空閨倍相思  
松間忽報行人至  
細馬紅顏知是誰  
久別相逢喜更新  
還疑如夢却非真  
楚山風物皆蕭索  
今日回看好是春

贈張斗之

落花芳草傍山磯  
匹馬斜陽渡幾溪  
軟綠更期青鶴洞  
石門松迳共攀躋

丙午自京還詩山路過果川將發

主倅請留贈  
甚走書一絕

冠岳清溪如對揖  
主人於此坐蕭然  
客

來却恨忽去  
回首長程空暮烟

皆縣之名山

菡萏亭書示同年曹世虞

晚來疎雨點荷塘  
爽氣清香滿一堂  
半醉長吟聊快意  
更憑層檻聽我洋  
送春無一句  
不已薄乎茲用賈島

韻錄奉石川

寥落空齋卧病身昔年湖海夢中人纔  
歸京洛還愁思虛負名園第一春

詠梨花奉寄素菴

歸來點檢園中樹屋角梨花非舊栽可  
惜劉郎多感意一軒相對愧衰頹  
誰教梨樹當軒立日之長吟花下迷夜  
雨帶來者更好明朝可忍落粘泥

用諸公韻贈圭庵

地僻還如小隱居坐來心事自蕭疎  
迹前松老應棲鶴檻外池清合養魚  
退食幾回文會友焚香更喜夜觀書  
看君靜裡功夫得方寸無塵水月虛

用湖陰賞菊韻錄示竹窓

階上黃花有幾叢寒齋寂寞對揚雄  
從來閑逸多耽愛養性延年賴爾功  
悠々人世幾翻遷感慨追思十載前  
今日君家花下飲龍鍾舊客愧華顛

遊除蕭瑟落秋聲獨有霜英燁之榮所  
貴箇蘭芳歇後對

結歲寒情

南山野外悠然見千古東籬望後塵此  
物靜在邦可狎整巾相對似高人  
窮巷闌之車馬來終南居士為開扉花  
邊文會誠非俗何用邪華肉陣圍

月中訪我嵯舊居賦五律二首錄

奉松岡

昔荷君恩重分符此別離水雲長入夢

稜鶴肯忘期勲業元無意行藏自有時  
伊川題小絕讀此少遜之

薄暮鞭羸馬東津乘小舸孤禽號枉渚  
新月照亭臯巖路行猶滑山窓意更高  
欣迎聚隣里留與飲芳醪

謝全秀才寄關東山水圖

一入塵中鬱未禁東溟勝景杳難尋故  
人所寄多情思高掛幽軒忽爽襟

在峩嵒山舍有友人舟過廣津以



書問之目作二絕追寄

一封書問到山村始覺舟行傍水濱香  
之長洲追莫及九秋當擬會龍門

木落山容瘦江空洲渚長  
擘舟向何處  
衰柳淡斜陽

次通碧樓韻贈安瑞仲

若人於世獨清閑山色當軒每破顏  
健筆可凌鸚鵡賦靜懷時羨鷓鴣斑  
雲烟滅者朝暮歲月流光任往還  
南令歸來

應未晚擬將壺酒叩幽關

贈人

文章閔世道沒道是閑談作者皆泉下  
惟君在斗南汪洋海波起淡泊古聲含  
白雪終難和麻中蓬自慚

贈人

花徧岩崖柳暗村小亭相對更忘言  
峩嵒我已巢雲壑人外高懷可共論

酬荅

解官歸來調病山齋未得趨侍駱  
峰叔父公以叙二載景慕之懷悵  
仰方極忽有五言短律翩然而至  
玩吟三四神心洒然舊病頓痊慰  
喜倍蓰平昔遂步韻錄奉  
宦游經幾載復對隴雲開歲歎隣居少  
春歸野興催幽軒聊徙倚倦鳥亦飛來  
盥罷清詩詠沉疴忽快哉

昨日得奉駱峰叔父公詩吟玩未

已今日又有松岡詩繼至僕解佩  
歸來病卧舊棲正如逃空虛者雖  
聞人足音尚可喜也况此兩公之  
詩乎不勝慰倒遂次其韻錄奉松

岡文右

細雨終朝至田園眼忽開土膏皆自潤  
花意暗相催隣叟頻々問清詩續々來  
仙區雖已謝舊壑儘佳哉

大樹與友約會於三清洞適天雨

未果作詩恐之仍寄示余及其  
意次韻以荅

縹緲神仙洞朝、雲氣增陽崖竦靈木  
陰壑結層冰碧落瓊簫遠澄潭夜月仍  
清遊宜伴鶴高賞可携朋春雨應添興  
天翁豈是憎韶光如瞥眼何術繫長繩  
沾濕花間好君胡學定僧

奉次松岡四絕韻錄寄案右

從來清獻有仍雲前後高風未敢分自

是文章超一世知君功業事天君

飄、塵世似浮雲南北相望幾歲分惆

悵一城猶阻面杜陵梁月每思君

超、高思薄層雲靜裡功夫倍十分獨

夜時、還壹齋小軒隨意撫桐君

東望山、盡白雲昔年閑意共僧分如

今塵世空留滯多少情懷付麴君

余喪駝馬柳亭寄詩以唁遂和其

韻報之

萬事人間興已窮如今又失玉花驄從  
今買得青驢子騎入雲山松桂叢

幽寂之中得奉四美堂夢中之作  
意思沉遠可詠遂次韻奉寄

眉上平生不著愁榮枯隨處總悠悠  
中每有烟霞思老境還欣句法道靜向  
交遊皆厭倦獨於吾子儘綢繆細思人  
世唯閑貴歸去何如萬事休

奉次松岡韻

公退委蛇叫午鷄幅巾端坐似僧棲架  
巖書屋纔容膝破睡龍團忽爽臍志在  
唐虞欽典素學尋顏孟沂濂溪吾儒事  
業唯經濟夜々沉思河漢西

照影忘軀笑錦鷄碧梧長愛鳳凰棲水  
姿瑩澈同秋月蘭佩續紵壓麝臍雲葉  
度時常拄笏松叉橫處更臨溪看君高  
意非塵世晚歲相期弱水西  
萬事無心似木鷄靜中唯憶故山棲白

雲隴上幾怡目碧水門前纔過臍自笑  
龍鍾嬰世網還憐猿鶴叫巖溪雖云吏  
隱身拘迫爭似優游東復西  
才短何能頌碧鷄黃塵破帽任栖之老  
年官爵如鷄肋鄉國秋懷憶蟹臍興發  
怡愉彈綠綺愁來鬱悒寫鵝溪洗心更  
有松岡句清健時之逼灤西

凌虛閣次慶老韻

秋月增輝澹遠天為憐清景復留連雖

無赤壁長江濶大野群山擁後前

次四美韻

仰章來到海之南簿牒相仍苦不堪輶  
効涓埃尋舊壑與君閑對白雲庵

次尚州牧金季珵韻

風詠亭何許公之亭名亦風詠登茲眼忽明勝

名隨處在真趣此中生水暖春方媚風  
輕興更清牧民推此意漢吏豈齊名  
商洛從來嶺外雄使君高致古人同一

區民物陶甄裡千里江山雅量中詩似  
宣城吟更逸愛遺鴻閣慕何窮數年離  
濶空相憶為寄雙魚慰老翁有銀魚之  
惠故末句  
之及

次張斗之韻

松下長灘月亦宜天教此夜有三奇欲  
成四絕尋詩思星斗闌干河漢歌

詩山古縣學堂次宋獻叔相公韻  
古縣稱文獻芳名在一間藏修須靜處

講論此群居教養蒙經術淹留愧佩魚  
唯存開道意小學數編書時境內五學  
堂印小學各  
分五件是  
以及之

次君紹韻

飛雨蒼山暮門前碧玉流石槽殘寺裏  
樵路斷橋頭我已纓塵網君今學楚囚  
兩人皆有累那意得閑遊

眉叟公詩以惠橘遂次其韻奉謝  
幾年湘浦憶夫君今日乾坤共荷恩陸

子獨無懷橘處為分宮果可傷魂

龍泉寺奉次守初韻

晚境逢年友蕭疎我最衰佩符還滯迹  
尋寺幸同時穩酌花邊酒閑裁物外詩  
平生巖壑願老者此安之

新秋感懷

用韋蘇州韻錄奉慶老  
續仲大裕諸子求和

縣齋忽淒爽新秋驚遠客黑綬此羈絆  
悵望阻雲石賴有諸子集對卷忘日夕  
所愧學術疎臨民無異跡

蓮池月夕復用前韻奉贈諸君子

人世貴相知何論異鄉客晤語心莫逆  
誰能水投石催衙放吏散相對忻月夕  
仰惟栗里人浮雲無滯跡  
階竹散疎影高齋有宿客孤琴弄月下  
還如隱巖石冲襟自茲曠可以娛今夕  
君子貴幽素於焉忘顯跡

復用前韻示諸君子

悠悠坐清夜忽覺浮世客幸有平生心

固結終非石聊可任所遇何用憂昕夕  
况同數三子日討古今跡

次大裕韻

華池屢得月今夕始聞琴良會於茲最  
芳醪莫淺斟

次纘仲韻

新秋池閣又瑤琴對月沉吟思不禁忽  
憶嵯猿叫處桂華飄落隴雲深

次慶老韻

年華漸晚晚寡落已秋天古調冷之奏  
荷香細之傳幽懷聊自曠清月為誰圓  
諸子皆詞客新詩欲被絃

次慶老齋字韻

簡牒紛紛隔一齋寒泉何日共傳杯講  
論鄉曲斯人在却羨諸君數往來

次伯元韻

太守功名已暮年笑着浮世每憂煎崔  
仙此地終何處青鶴雙溪望杳然



次大裕韻

分竹江南今幾月異鄉千里復悲秋  
忽度日心無得懶拙臨民學豈優  
謾把離杯愁落景更教長遂叫滄洲  
送君何處相思苦菡萏亭中水檻頭

次羅牧韻

擾裡方歡詎開懷擬暫時情深投去轄  
病起感來詩適患微恙見詩蘇陸行李還成駐  
奔忙更作遲萍蓬百年跡肯負此佳期

錦水相逢處黃梅雨歇時  
煩襟澆美酒塵眼豁清詩  
且復去休促自歎尋已遲  
歡娛今日事心契百年期

次韻奉呈湖陰案右

倚軒空悵望城角暮烟重  
默坐香飄篆沈吟漏轉銅  
忽看春意動還有野情濃  
萬事吾衰甚甘為田舍翁

駐城作大隱高卧謝軒車  
樂道思顏子下帷挹仲舒  
心期唯水月事業是琴書

春氣漸和煦東湖且可漁

文章動中國藉甚聲名多當代終高作  
唯君是大家長風翻海岳明月隱松蘿  
奇壯無幽遠令人愧熱沙

卜宅洛橋上門前車馬流倚梧心更靜  
謝客刺空投舊袍談更僕新詩輸幾籌  
榮枯終異路奈此久離愁

我生孔融齒甘作老人行忤世曾嘗險  
持身劇避槍但思村野樂更願歲年穰

此外復何事逢君時舉觴

次華使醉起口占韻

此下十五首  
製述官時作

層樓聳丹霄落日沉紫翠無人共此興  
徙倚聊獨醉

拍欄謾成興風花自高下沉吟不覺暮  
明月生清夜

高樓著神仙夜月黃鶴歸迨之不可攀  
奈此拂征衣

良夜接軟語團之月隱壁知君多所抱

七寶床上空

客路千山外迢迢遼海西玉珂想紫陌  
夜半驚早鷄

樓上幾日留桑下亦戀宿明朝隔山河  
何不更秉燭

有月登大平館樓韻

隨意憑欄意杳然金波瑩骨自無眠光  
侵臺殿分高下影落城闈渾接連誰把  
星槎愁萬里恍如身世在三天高風自

是神仙侶應有玉簫雲外傳

此地誰乘黃鶴歸終南依舊昔人非閑  
斟玉斝羔兒酒更聽華筵金縷衣朱箔  
捲來通乳燕綺窓明處納晴暉世間聚  
散終無賴可忍鸞輶萬里違

登大平館樓和壁間韻

樓對南山紫翠深騷人於此幾登臨玉  
欄朱箔消煩慮寶瑟清樽協賞心萬井  
人烟迷望眼一軒春思起長吟追隨高

躅忘歸去軟綠波娑轉夕陰

晚登大平樓韻

落日誰登百尺樓迢迢紫陌柳陰幽  
柘枝鼓裡銀蟾湧藥玉船中綠蟻浮  
已向海邦傳聖詔何妨勝日判清遊  
藹然和氣薰人骨從此東區望更悠

登漢江樓韻

相携步屐碧江濤縹緲朱樓待月臨  
萬里高名爭北斗數篇瓊什敵南金  
綺造

舞袖飄紅影極浦山光落翠陰  
惆悵明朝便陳迹檻前空鎖白雲深  
乘興還如訪剡溪江樓宴賞亦參  
携巴陵形勝稱今古漢水清奇孰  
品題玉鏡斜陽紅錦散汀洲芳草  
綠烟迷詩腸若燥添春醕何用含  
消漢苑梨

遊漢江韻

天上神仙豈敢干幸同今夜接杯盤  
接藍江色水初解泛瑟松聲晚更寒  
雅度

從容山可仰新詩咀嚼味堪餐當歡不  
耐還悲感回首橋山淚瀉湍

江臯蕭灑有層臺何用靈犀更辟埃泛  
泛蘭舟擊汰去迨之仙鶴拂雲來歌飄  
白雪金樽凸柳暗芳洲綺席開勝景從  
來屬吾輩何如把臂倒瓊杯

江上風威戢雲涵萬頃平眠鷗依晚渚  
曝鱗喜新晴汀草萋之合村烟裊之生  
天仙不可久宴罷向瑤京

望之洪厓遠迨之雲外招塵懷何處遣  
煩惱此中消玉罕鵝黃酒佳人金步搖  
汀蘭今可採泛之莫停橈

玉局神仙侶優游第幾層清詩追杜甫  
健筆倒陽冰檻外峯陰落樽前夜月仍  
遲回空惜去更向曲欄憑

登龍頭峯韻

十地應不遠何處是三島浪跡俯滄洲  
周遭山更抱倚空教長吟燁之皆文藻

鐵笛叫遠天耳傍清聲好誰是上清客  
同君終不老

再遊漢江韻

清淺愛潺湲輕船八曲灣小村紅雨後  
返照綠陰間綺席邀明月清樽對玉山  
何須分異域聊與白雲閑

重遊漢江韻

蜚英天上客爭覩鳳麟群玉節來頒詔  
金樽會以文晚空飄落絮極浦起層雲

接賞那能得長歌照夕曛

謁宣聖廟韻

禮罷陞堂歷阼階巍巍聖德歎無涯百  
王聲教群生遂千載彝倫日用皆闡寂  
杏壇依石砌蕊籠連檜接雲厓使華當  
世斯文表瞻望咨嗟聳學齋

寶山驛月韻

山館玉人至天教月入櫳團圓光自遍  
懷抱瑩相同靜對松竹鶴遠聽雲外鳴

豈唯騷興發汗漫欲無終

嘉平道中韻

群峯却畧似峩峩春入郊園事舊蓄風  
引玉簫聲更遠居民爭覩鳳凰儀  
斜陽下岫帶孤村松桂迷烟暗洞門玉  
節歸來山路遠吟鞭倒豎過雲根

箭串餞席次仁卿韻留別同年諸

友

時公自京還尚州

年友交情老愈深秋風遠別幾傷心壯

元本是龍鍾客今日銅符愧盍簪

臨水登山別意深更教長遂起遐心匆

匆欲去愁歸路回首群峯亂玉簪

用前韻書示四美

此下八首與江君晦同舟

作時

十年相望水雲深今日同舟幾討心都

是老夫巖壑計消埃一報便投簪

君晦下舟無馬借騎主人之牛村

人見而笑之戲書一絕示之

下水騎牛興轉深江湖還起野夫心  
村童拍手爭來笑豈識當年舊翰林

江上口號

小村隱巖樹石路傍江湄波漲船如走  
林疎月似窺暮烟愁極浦陰火覺叢祠  
漸喜州樓近清心可一期

樓名清心故云

到甓寺次贈君晦

杳々長天濶愁看鳥嶺橫未諧丘壑願  
還為一聖息行清境偶逢子賞心那計

程簡書雖可畏物外且忘情

輟棹尋蘭若江臯落木時依稀探古跡  
感歎賦新詩簪紱嗟身累談論喜夜遲  
分離一嶺隔東閣幾相思

別東臺

一別東臺去秋風鐵笛高  
清懷殊未極回首弄輕舸

過李相長坤故宅

此是當年李相居數株殘柳擁遺墟  
英



雄一去無消息  
寥落江山恨有餘

別君晦

中原杳何許  
江介復離君  
枉渚鳴孤鴈  
層崖散宿雲  
枯桐彈益苦  
殘菊晚猶芬  
暫且同舟去  
夷猶到日曛

傷悼

遂安郡守金錫弘挽詞

文貞赫世後  
學業有淵源  
被薦人爭慕  
登朝道更敦  
遺愛留關外  
銘旌返故園

所嗟終枳棘  
餘慶付兒孫

挽詞

早持端操奉巾箱  
夙夜勤勞過十霜  
淮荷盛恩終白首  
那知微恙掩明粧  
雲迷泉路魚軒遠  
月照房櫳錦帳涼  
最是相公腸斷處  
小兒癡騃每呼孃

金慕齋相公挽

公存人世山如屹  
公去泉臺事若隨  
靜想容儀悲澗谷  
遙持絮酒薦巖陲  
向來

古道今將塞從此斯文漸欲衰落之平生經濟志長令門客淡橫垂

挽章代人作

賦命元非薄才高是禍媒孤墳全沒草片石半封苔西掖曾聯袂東湖幾倒杯山陽羌笛苦落日更徘徊

申牧使瀚挽歌

簡潔平生志澄江秋月清趨蓮承警訓到處有風聲義氣常偏愛窮愁更荷情

豈知逢洛下忽此見銘旌回首從遊地那堪感慨生白蘋臨汭水殘菊對光城忽之人間事悠悠魂夢驚佳期雲已散山館月空明峻整容何在浸滌泱自傾唯餘遺績在朝野惜精英

張同年陸挽詞

少昔同蓮榜于今三十秋每嗟人世隔忽此夜臺眠力學功名薄還鄉疾病纏最憐兒共逝新塚兩巍然

時其子萬古同逝故云

宋守初相公母氏挽

教子登金玉榮華動一方專城今日養  
按節昔年光更有遶蘭茂將期福慶長  
如何侵二豎香草獨芬芳

挽詞

鬱鬱佳城若箇邊丰儀漠漠此沉眠平  
生行事曾參孝短世顏光顏子年伯道  
孤魂無處托孟光高節有誰傳墨君未  
及長嗟恨為向徐君掛墓前

人壽無金石青年最可傷山哀喧澗谷  
鶴吊叫秋霜獵獵丹旌遠岷岷雙表長  
孤孀無限意送死獨遑遑

安陽城珽挽詞

大卧青山上君今萬事休他年九原見  
一笑共悠悠

序 暮春初二日賦成七律贈希愚斗  
之兩上舍約重三之會

羈宦江南已數年病兼煩務苦相纏春

來不見花開落秋至寧知月缺圓今歲  
踏青如可負吾儕垂白亦堪憐汀洲芳  
草萋萋遍明日清遊當綺筵  
佳節今逢三月三同遊捨子是誰參雖  
因少昔交情密最愛純庀古意含爛熳  
山花園錦纈空濛官柳暮烟嵐村南兩  
老應來會隨意清樽樂且湛

重三日獨坐詠懷遂成七律一篇

分寄

原明

兩同年

知君此日樂年芳春酒盈缸兒滿堂灼  
灼桃花呈鬢艷田田荷葉送新香功名  
雖貴身心苦村野多閑興味長老守菴  
留真可笑每逢佳節憶家鄉

詠物

書俛仰主人琴

不論琴古今所貴唯此心我自彈古調  
何惜無知音優游且夷猶聊以開吾襟  
種竹

一日寧無此移栽要及時拂雲殊卓瑩  
搶地漸離披自合伶倫律何論俗士賢  
向來君子配歲晚可同期

種蓮

盆大纔盈尺難容十丈蓮托根何局促  
展葉自焦拳只愛亭亭立還恰郁傳  
淤泥還不染濯更清鮮

蘭

枯折何妨直猶看病葉青風霜餘老勁

還似澤畔醒

空谷無人採幽香祇自珍踈篁堪托契  
荆棘莫相親

述懷

縣齋月夕聞杜鵑有感遂書小絕  
縣齋寥落月斜暉獨卧深更意轉微松  
下小堂長入夢杜鵑何事更催歸

東閣書懷

東閣新秋至淒淒之夜氣高砌虫鳴唧唧

連竹響騷々潦倒驚身世淹留愧鬢毛  
琴歌聊自慰心事轉怗々

中年途中憶叔貢有感而作

小輿鴉軋傍沙汀蒲目松林鬱々青每  
說中年吾故土不知何處托精靈

雨

蓮堂暴雨

黑風驅雨度橫塘萬馬奔騰陣勢忙最  
惜荷花因披拂為臨池檻嗅芬芳

縣齋夜雨卧吟

三年過盡又秋風鬢髮添霜亂似蓬世  
事絲々都接棄縣齋閑卧雨聲中

春雨

昨日春陰重今朝雨脚繁花怜紅錦濕  
溪愛玉蚪奔柳幕翬無語簷巢鳥絕喧  
幽人多意緒竟夕獨臨軒

殘春誰喜雨天意儘難窮雖有芳菲恨  
還催長養功幽人悲節換巢燕喜泥融

漸近清和節堯夫起洛中

釋

贈僧

鬱之抱幽思僧來傳好音青山方悅目  
碧澗更醒心暫滯塵中迹遂孤人外尋  
落花還送別情之奈如今

贈性澄

汝名曰性澄我知非九僧皎之者山月  
瑩之者江氷時之有物翳厥本則猶澁

一齋知此理歸去其願承

一齋指李恒之

次韻贈守安上人

禪杖入定多年歲讀盡楞嚴與法華最  
愛吾師行道處白雲蒼蒼挂影交加

贈茲上人

伽椰清勝聞來久千古崔仙獨擅名遺  
跡欲尋嗟白髮武陵橋上羨渠行

贈上人

杳之我嗟我居在田園欲蕪胡不歸報

息只隔廣津水與尔相尋談妙機

贈義清

縣齋淡相對說山心更愆令人促解佩  
巖壑與同遊

贈智閑上人

閑師類遠公色相了禪功八定空三昧  
冥觀悟六通水壺渾映月玉塵淡生風  
飛錫蒼茫外翻之雲水中

菡萏亭中日夕時微風淡之月如眉使

君於此坐無事靜聽山僧能誦詩

師誦  
盡軸

中詩不  
錯一字

古人行跡可同歸此地崔仙已振衣我

亦石門携尔去曩時留滯沒言非

秋風吹拂桂華時何處紺園可詠詩王

謝清遊喜同釋逢渠何必遠公思

次韻書山僧軸

晚來衙罷讀黃庭小寢焚香待月明誰

遣山僧傳尺素斯人不見獨屏營

師傳  
竹窓



書故  
云

何處招提聽木魚  
慙慙來訪使君居  
縣齋過客終見人  
外高懷尔起余

贈智雲上人

白石清川歸去遲  
淹留每愧見僧時  
鷄龍鎮我浮灘近  
秋晚相期定不違

我家在浮

灘上  
故云

奉次湖陰韻贈僧

幽期正值仲春時  
愛賞巖花行自遲  
多

事茲遊真可笑  
同來釋子亦能詩

一官羈絆坐卑陬  
山水清遊廢四秋  
今

日偶然携法侶  
白雲隨處散幽愁

次韻贈慧華

沉吟相公句俱是  
過黃初一別年何久  
相思夢幾虛  
逢僧聊慰悅  
對竹共蕭疎  
尔亦遠師輩  
投箸當訪廬

贈僧

太守常自笑  
老大尤清狂  
不喜五馬榮

苦思猿鶴鄉逢僧必問山楓岳與妙香  
遊跡亦已徧為余言之詳荅云我心靜  
塵寰即山堂

南極支提第一山當年遊賞幾盤桓欲  
留禪侶論奇勝飛錫飄然未可攀

題了玄軸用湖陰韻

妙香鬱岵巖白雲凝青嶂於焉爾徃遊  
夙願今可償所貴清心塊何用論真妄  
去斲巖松根千歲茯苓長

用安分堂額書道暹詩軸

玩鶴亭前月上遲巡簷隨意看梅時此  
間更有僧來訪清興無堪且賦詩  
老守高懷豈可摧小亭長見鶴徘徊逢  
僧更結還山約黃菊丹楓定未衰

次額贈寶上人

塵世浮名豈是真羨渠長與白雲親秋  
來我亦峨嵋去物外相尋更有因  
來說山遊起老翁况聞行色趁秋風丹

楓蒼桂交相映飛錫飄然向此中

來秋師將

遊楓岳故云

次韻書靈機軸

焚香燕寢澹靈臺月下敲門僧鼎來促  
入連床談道妙一團清思更悠哉

師乘月來

訪故云

鶴去雲中不復回煩懷數月未曾開逢

渠盛說還山樂月影低簷燭淚堆

縣齋養鶴

一雙一夕飛去故云

又贈寶上人

寶師厚意誠難負為寫沈湘三两竿此  
君所貴通而直歸去渠心相與者

贈僧

知渠人外人幾歲探玄妙月落大江空  
茫然還可笑

贈邊山僧漢熙

三年朱墨已成衰悵望雲山歸去遲聞  
道楞迦猶咫尺巖楓磗菊與相期

贈一見上人

杖錫來何路白雲山復山所貴唯無欲  
求詩且不閑

次海翁韻贈仁上人

海翁守錦溪使我心悠然蒼之雲外山  
漠之層城烟音書斷不來蕭疎復秋天  
仁師忽然至剝啄驚我眠長身瘦鶴影  
清思出中泉膜拜出一軸海翁有短篇  
高吟意自清颯之忘塵緣惆悵各拘迫

良晤阻數年

贈上人尚熙

琴閣蕭然春晝永與僧相對即祇園晚  
來心思澹空寂萬事不關深閉門

贈靈運上人別

受命撫黎民數月勞精神無復昔日閑  
悵望山中人一夕師見訪心思忽清新  
暫暇謝煩忽遂與尋禪宮年華已晚晚  
芳意還忡之澗菊露浥黃巖楓猩染紅

賴茲酌芳醕暢吟臨長風掣電數日歡  
索此分西東陶令不可久歸去峨嵋中  
此地儘清幽鬱鬱松桂叢於焉杖錫過  
相對聞談空

次安分堂韻贈戒悅上人

行禪入定捩雲山高躅超然孰敢干一作  
令人不心似澄潭常自照身同瘦鶴靜  
相看竹窓小序情何重安分新書墨未  
殘消息遠傳真可幸謝渠聊復整吾冠

師之來既奉安分堂之書又見竹窓之  
序有相念之意余喜慰遂及之于詩以  
釋傳雲之思兼  
謝遠傳之勤云

次河西韻贈一禪上人

一嶺分離望幾回音書數月未曾來如  
今賴爾吟清句暮雨橫塘意自開

熙師袖詩軸而來有坡山居士之  
作弁焉簿書之中展玩良久不覺  
心神洒然遂次其韻以寓夫平昔  
慕想之懷使歸而示之云

居士即  
成守琛

誰讀盤銘而浴而沐坡山之翁其心之  
濯斯人不見我懷其憂解佩言歸長與  
子游

贈信性上人

心與澄潭月影空知渠定力豈憧  
宵燕寢談玄妙更向人間萬事慵

次韻贈師

何從得吾筆風葉正紛披應寫居閑日  
還知遇興時簿書今已厭衰病亦難支

歸去巢雲壑清遊與尔期

次石川韻贈嚴上人

錦溪主人詩光焰凌千丈云是謝宣州

使余空悵望

石川為錦山守師  
將指此是以及之

陶君不可留方理還鄉屨松齋在峨嵋  
問尔來尋否

崔仙曾住此仍向雙溪遊携尔欲同訪

雲鶴三千秋

崔致遠為泰山守後隱雙  
溪常有往訪之意故云

贈印文上人次慕齋韻

跡遍清竒未肯留身雖頓之此心休從  
來面壁終何得勝境行禪道亦優  
石骨凌空羲御低登臨雲葉拂雙鞋眼  
空四海心無碍頓覺三生也不迷

右楓岳韻

路繞層崖豈有歧穿雲直上結幽枝山  
中勝致應心得多少竒觀不入詩

右頭沅韻

叢桂林中有蔓藤猿呼鶴叫鬧禪僧蒲

團半夜觀心處一室虛明不用燈

右妙香韻

次日日本僧安心韻

日本僧安心奉其國王命來朝

朝廷每於其國使人之來令分路  
達京故安心之行不由尚刑而其  
徒過之公時為其州館待甚得休  
其徒至京言于安心心之還也又  
不得由尚作詩一絕附其徒使進  
于公以達其意公遂次其韻以報  
之

神交海外有斯人寄與清詩意自新延  
行洛江終不見可堪愁思屬芳春

贈靈應上人

杖錫名區遍沈湘獨未尋蕭之一叢碧  
贈尔慰遐心

畫竹

畫竹贈柳君

雲根聳雙碧直氣自清竒此君真可友  
所貴思無邪

靜夜淡相對如聞雨送聲仍之起遠思  
帝子若為情

嫻之秋風起偃然枝葉披豈如蒲柳質

歲晚者倚之

風過長枝偃還如鸞鳳音清聲自諧律

可以寫瑤琴

柳君苦索湘江碧知是前身王子猷為

寫數叢寄將去雪江從此更清幽

題畫竹奉寄安監司伯珍

倚之葉竹詠於詩君子求之孰不宜盛  
德威儀尤可勉皇華隨處澹相資



驪江一別已三年嶺外追思意杳然駕  
鶴俗離俱未遠佳期聊付此君傳

墨竹贈安君晦

學士自超俗胡為乎此君中通外且直  
所以求其群

蘇老風懷見竹堂時之戲掃沈湘碧數  
叢寄與李中書君子皆云得所托  
四羨亭中無此物數叢移去便蕭騷主  
人清韻同超俗長對幽軒意自高

書成仲玉竹屏

即坡山居士

湖海神交閱幾春雖非傾蓋意相親聊  
憑碧玉傳佳約解佩他年對幅巾

書沈叔平竹屏

君愛此君我愛君此君風節與君分揮  
毫一寫贈君去此物亦知君子群

贈成仲玉墨竹

北岳山前成處士閉門高卧幾經春沉  
冥城市真為貴漫浪江湖豈是珍覆雨

翻雲看世事撫琴調鶴養精神空懷高  
躅無相贈未句逸

題君晦所索畫竹

此君澹偃蹇所貴凌風霜鳳鳥幾時至  
繁枝空自長

書墨竹後贈申濟

吾門亦有清臞子筆法詩名一世聞卜  
筭餘金更瀟灑此君風韻可同群

書贈崔生墨竹

崔子愛竹豈徒然其意欲與此君同此  
君昔日投葛陂頃刻變化騰蒼穹崔子  
之愛豈非此明春大遶應成龍此君昔  
日為笙管高和舜琴何融之崔子之愛  
亦為此他日賡載明光宮嗟之崔子之  
求也異乎人求起病翁我為把筆寫此  
君長身玉立七八叢此君風節高卓犖  
豈唯外直而中通崔子持此勉矣哉我  
乃傾耳乎南中

題畫竹贈別趙內翰璞

高節從來君子同平生酷愛貯胸中時  
時寫出無人托今日逢君贈數叢

奉寄龔巖相公

聞公宅嶺南鬱之多園竹愛之日相對  
吟嘯忘昕夕邇來在都下悵望心不舍  
悠之無以慰我為寫數叢老竿忽偃蹇  
風枝亦瀟洒於茲寄幽興何用論真  
假

寫竹贈友人

廿載雄懷鬢颯絲相逢俱是老生涯我  
今歸去巢雲壑留與琅玕慰遠思

高靈世稿續編卷之一

通政大夫行尚州牧使申公行狀

公諱潛字元亮姓出高靈自遠祖成用  
以下皆以文顯世有聞人至公曾祖文  
忠公諱叔舟佐五朝位冢宰封高靈府  
院君為一代宗臣文忠長子諱澍補通  
禮門奉禮郎後 贈吏曹叅判有文早  
天寔生三魁先生從漢以其於進士文  
科重試皆擢第一故人以此稱之以博  
學文章鳴於世官至禮曹叅判早卒叅

判娶 世宗大王之弟 子義昌君玠  
之女以弘治辛亥三月日生公生而穎  
秀不羣纔七歲而孤伯兄高原尉沆能  
脫純習文雅重一時公從之學纔經指  
授即自領解不煩劬苦詞藻日進未弱  
冠聲名大振公卿薦紳莫不交口稱譽  
歲癸酉公年二十三試進士連魁設解  
南宮人以為是能踵其家緒者時 中  
廟在位已久治教更張士學日新公即

痛刮浮華務自砥礪取古聖賢之書而  
讀之偏交當世之士往來論辨卓然自  
得學業日造聞望益重己卯做古義設  
薦舉科公與其選就試中某科第幾名  
即補藝文館檢閱故事每 賜對時史  
官常後八先出公入侍纔數日即進言  
曰史官於人主言動之微無不察而書  
之後八先出恐有失於紀實也聞 成  
廟朝有一檢人乘此得售其說卒階後

禍請自今先入後出以爲常 上可之  
即 命爲例時論建之未幾被館職之  
選不及拜時事大變以薦舉科爲非故  
制罷之公遂落職就閑史官先入後出  
之制亦廢公自此知不復有爲於時奉  
大夫人往清州田野有定居之志以大  
夫人不樂于此旋復入城時坐黨被廢  
者皆一時村望之士用事者深不自安  
辛巳冬公與安公珽等橫被罪籍至于

庭訊禍且不測竟無所得遂遷于長  
興府在謫十七年以大夫人在京思慕  
雖劇而志氣曠夷無怨懟愁歎之色屏  
絕麴蘖時或哦詩自遣而已士子有來  
問業者亦不拒隨材以爲多所成就丁  
酉冬量移揚州戊戌秋 命任便居住  
時大夫人年高尚無恙還侍庭闈融  
如也翌年丁憂哀戚極至葬祭一依古  
禮又以參判公珽城水土淺薄博求古

義遂遷而同室焉廬于我差山下三年  
未嘗一至于家因築室其傍爲終焉之  
計是地也有江山禽魚之樂每春秋出  
居彈琴讀書翛然自適於榮宦漠如也  
癸卯用薦者補軍職不受是年冬大臣  
以公年德俱邵村堪華國不可待以常調  
遂命超授六品秩爲司饗院主簿主  
簿爲職雖非公所宜處以 恩命不常  
不得已赴 闕以謝未數日 上下教

曰某今爲主簿無益其改除守宰欲觀  
治績於是補奉仁縣或以公不冝屈小  
官勸之勿行者公曰余雖無涖歷之久  
素非山野處士之比 恩命至此義不  
可避况古之大賢莫不安於州縣爲足  
以行其志而已吾何嫌乎遂就任縣素  
號繁劇難治公克積既富又多更歷以  
事施之一邑沛然有餘撫摩盡其慈恕  
操割極其神明期月之間闔境翕然化

服且是邑也承因循蠱弊之極無名之  
賦不正之稅雜出如蝟毛民甚病之公  
爲之條畫區處釐革殆盡而要其行之  
久遠不以一時之利害遽爲變置也民  
有以事至庭則溫言降意不加威訶剖  
決的當出人意表至有骨肉之訟則亦  
必喻以恩義之重及覆諄悉民皆愧歎  
悔悟失其所爭而去又其爲政也拳拳  
以興禮善俗育才敦學爲急於坊村里

社廣設局堂以爲師生之所多出錢布  
以贍其費往々親自詣訪從容訓厲而  
其所以爲教則不在於記誦辭藻之習  
焉尊養高年褒揚節孝不問貴賤必加  
敬異籍其姓名時節或致廩米酒食以  
獎之至於錢穀出入之微亦必親自鉤  
考而又不察之爲明吏不忍欺焉時適  
連歲大歉流移之民四集望哺於是引  
富鄭公青州故事列置房屋百許間以



處之每聚食非有大故必躬蒞視允醫藥調護之方莫不措置纖悉不遺餘力遠近聞風爭以泰為歸所全活無慮數千人觀察使金公光轍上其事于朝上嘉之命加一級公雖以息命之重不獲已就職又於縣非志也而連遭國哀歲又荐饑不暇解去黽勉六期遂以宗廟署令歸邑人愛慕遮留而不可得倩記于前大提學蘇公以讓

立石以表德焉公不樂仕宦常有山水之思已酉冬執政有知公志者遂除江原道之杆城郡時公之長姊隨子在麟蹄縣以此樂赴焉郡濱東海雖以清勝稱而地最僻遠民俗駸暴釁隙易生難於化誨然風氣剛固人多以孝義立行者公於是首先延禮其人以風厲之而一以治泰者治之未幾皆化於善爭相勸勵民俗丕變士之摳衣者全集文風

亦大振暇日時携學子遊覽山海之勝  
風詠而歸又登楓嶽以壯其胸襟多所  
著述辛亥冬 上命揀中外臣僚之莅  
官廉謹者以聞觀察使柳公智善又上  
公清謹之迹于 朝時公已患風疾不  
可在職舊例守令以疾求解者觀察使  
例請罷官故柳公雖知公疾而猶循例  
以請 上下教曰某清德已著所至盡  
心撫理不可以病而罷之 命述其職

仍陞秩以獎之壬子夏起拜尚州牧使  
時公疾愈未久感 上眷稠重卒不得  
辭未幾前以廉謹聞者皆 賜表裏一  
齧公亦被其 命焉州當慶尚一道之  
衝輪蹄輻輳機務浩繁又連歲大侵流  
民顛仆死亡相枕藉公於是夙夜勤勤  
盡心調活規模節目一依在叅時以是  
民無捐瘠又董耕稼使及時為力至秋  
列邑無不被灾而唯州得稔觀察使丁

公應斗上荒政之最于朝 上命增一  
秩階通政州有四屬縣皆僻且奧士子  
無所於歲修甚病之於是大開堂院選  
地而構之雖當饑饉之極而能縮節廩  
用以供其費又不煩于民以是州之人  
士競相慕效至於窮村僻社無不私自  
營建又爲之助其力役使皆就緒九以  
書院名者無慮十許所又依朱文公南  
康故事擇鄉之修士爲院長以主之方

將遵其教條刊爲學式多購小學性理  
等書分藏諸院以爲學子永久之益設  
施措置皆未及究其方甲寅十二月初  
一日得暴疾越二日遂不起春秋六十  
有四觀察使以訃聞于朝 上教曰某  
清廉勤幹非他人比今聞其死良用惻  
然遂 命賻贈有加卒之日士哭于庭  
民號于野如喪所親及其柩行也鄉之  
父老儒士挽車哀送填塞道路香燭之

真綿及異境軍民有追至咸昌邑治而  
修奠者是豈勸誘以使然哉明年三月  
某甲從先妣以禮葬于我墓山壬坐丙  
向之原公為人風姿凝俊挺出人表氣  
宇宏博識量高雅望之儼然可畏即之  
油然可親樂善好義無有倫比學宗聖  
賢每覽經傳必求其用意處至其嘉言  
雋行則企慕嚮往思與之齊行已處心  
一以古人為師以俗凡卑之論未嘗一

出於口遇事優游不動聲色雖當倉卒未  
嘗有疾言遽色忠孝友愛出於天性憂時  
憫俗發乎至誠收恤親舊調濟貧乏斤  
財殫力無所顧惜尤以獎進後生為務  
隨材引誘拳拳勉之以古人事業或與  
之談論今古亶亶不厭人有小善雖微  
賤必加敬愛若其卑猥瑣細之流則甚  
鄙夷之不欲與之言然接物遇人和氣  
油然俱得其歡心故雖被忤斥者無甚

怨焉素藉閱積累之傳財業故饒公  
久在遠謫專委長姊裁制不以介意及  
其分產任其所取令夫人參稟公無與  
焉嘗念先稿未行在恭時始入樺能於  
機務之暇手自楷寫終始不倦人服其  
誠焉早有經世之念常以洗冤澤物為  
務其出而為州縣也欲以少行其志故  
一以宋朝諸賢為律令不要循時諧俗  
其政雖以仁愛慈惠為主而彰善瘴惡

使知所勸懲繩擊強宗不少假貸以此  
其初或有不悅者久而沐公之化則莫  
不革面化服焉家世聯戚里自少時居  
家服御不與平人等而及其莅官清操  
卓絕除飲食外無纖毫累於官家人僕  
御皆不堪其苦而公處之裕然也每其  
歸也凡器具什物或涉日用者雖極微  
細亦皆一一錄簿歸之官故其以喪歸  
也夫人亦一如之州官循例致賻贈一

無所受或有言其不必然者終不聽於此見公家法之所存而知平日所為非出於一時矯厲也嘗有人忤公者其女婿犯重辜繫獄事甚黯黯不可辨公察其有寃卒鉤核得情遂脫於死其不念舊怨一出至公如此公於文章術藝無有不能詩祖文選詞主楚騷格律高古旨趣深遠人之得隻句片詞者如獲拱璧傳玩不已晚工草隸又寫蘭竹極逼

其真世稱三絕爭購綃帛求之公不屑為之也間或與親舊文酒行以發為詩歌夷愉和暢風流氣槩有足動人者莫不歆艷高仰之有遺編若干卷嗚呼公之懿德峻行可以師範一世綱紀儒林文章學術足以黼黻皇猷潤色大平而早被錮謫未得有為於時晚雖暫試州縣沉淪卑冗不得伸其志其可見於今日者止此嗚呼痛哉然若因其小試者

而求其用心則知公之志業無一不準  
於古人而因以得其大者矣不知今之  
必有以此求公者乎公初娶宗室唐海  
副守某之女有二女長適監察韓洙次  
適生負姜浣後娶 顯陵叅奉盧友明  
之女無子侍婢有一子今纔六歲嗚呼  
此其為公之續耶監察生一女適李廷  
賓某自二十餘年以來往來門下矚公  
德義行治不為不熟矣顧以懵識不文

既不足以窺其涯際而叙述又不能闡  
其微隱陪從亦晚於公少日行事之迹  
有不得詳焉然而平日不鄙無似眷顧  
甚厚辱以為相知故不敢推托述其梗  
槩如此以備作者之採擇云乙卯某月  
日通德郎知禮縣監盧禎謹狀

泰仁縣善政碑陰記

余閑居田里門雀可羅一日坐竹間小  
齋有二生廢衣博帶頽然其貌懷小刺  
求見乃金上庠元白上庠三龜也二生  
之言曰吾等世居泰仁請言吾太守申  
侯之為政焉吾邑當輪蹄走集之地人  
稀而事殷役繁而賦夥緩之則厨傳薄  
急之則怨咨興兩俱病焉而理解得宜  
侯於甲辰歲初分左符下車之日首問



宿弊之為民害者釐革立畫孜孜於撫  
摩介介於聽斷律已以嚴待人以恕民  
乃悅服歌頌始起侯曰未也昔子游氏  
之為武城也以禮樂為教而夫子喜之  
此古今牧民之良法而後世德教之澤  
不流率以刑法束縛而操切之故淳風  
義俗罕或見之吾但規規於法度之末  
而已乎於是慨然以興學變俗為意令  
於坊里各設局堂即藏書冊豐其餼廩

聚鄉子弟俊秀者擇師而教之以至邨  
孤寡崇節義勵廉耻躬淳篤之行而闡  
化導之方豪胥猾吏亦莫不縮頸革心  
而樂趨於善不期年而闔境大治嘗扁  
退食之堂曰三事蓋取古人當官之法  
唯有清慎勤而已大書注解三字之義  
於壁上既飭其躬又勗後來之君子堂  
之東構草舍數間暇日則鳴琴玩鶴蓄  
然有出塵之想昔新羅之季崔文昌孤

雲曾宰吾邑其流風餘韻至今爽人牙  
頰吾侯之文藻襟期可與孤雲並論於  
千載之上而人之愛慕歆艷之深者則  
孤雲或未之先也侯名潛字元亮高靈  
勲相叔舟之曾孫三魁先生從護之胤  
子早承庭訓克紹家業文章書畫世稱  
三絕遠近來求者戶屨常滿每於聽事  
之暇一掃百紙畧不凝滯譬猶包丁之  
解牛其於游刃恢恢乎有餘地矣今者

秩滿 賜環行橐蕭然琴劍圖書不滿  
數馱邑之老幼攀轅截鐙既不可留則  
伐石磨治謀所以刻諸善政而立于達  
街之上以傳示無極願得先生揄揚之  
文敢來請余聞而嘆曰有是哉元亮之  
為政所謂導之以德齊之以禮也漢之  
公卿多出於良二千石君其人哉第恨  
老拙不文烏足以塞諸君之望雖然元  
亮魁癸酉進士於吾門生友也詩山距

吾家蒼茫之間義政之及民者聞之稔  
矣如是喑無一語則不幾於廢道人之  
善乎况太史氏方秉大筆特書于簡策  
者非一再奚待余文姑叙與二生相道  
之言以遺其父老且規夫繼來之守土  
者嘉靖紀元之二十八年蒼龍己酉仲  
春既望崇政大夫前議政府左贊成兼  
判義禁府事知 經筵春秋館成均館  
事弘文館大提學藝文館大提學五衛

都摠府都摠管 世子貳師晉山蘇世  
讓記

解州府志



